

OHR i OSCE pozivaju Vasica da se pridržava odredbi zakona

Vasicevo ponasanje dovodi u pitanje ulogu njegovog Ministarstva

Ured Visokog predstavnika i Misija OSCE-a za Bosnu i Hercegovinu osudjuju izjavu za štampu koju je Rajko Vasic, Ministar za informisanje Republike Srpske, dao 1. Juna, u kojoj poziva na javnu osudu novinara u Republici Srpskoj koji su navodno pisali lažne izvještaje.

Gospodin Vasic izjavljuje da su ovi članci bili “lažne vijesti i očita manipulacija javnosti.” Međutim, ovi događaji su se zaista dogodili a odgovarajuća objašnjenja su sada data i predocena medijima. Međutim, čak i da su ovi članci bili pogrešni, progon novinara zbog grešaka u njihovim pričama je u svakom pogledu pogrešan i postoje drugi načini za djelovanje u slučajevima gdje se prisutne greške.

OHR i OSCE pozivaju gospodina Vasica da ispravi javno svoju izjavu i povuče poziv Javnom tužiocu da preduzme pravne korake protiv ovih ili bilo kojih drugih novinara, čiji izvještaji su tačni ali politički nisu po volji gospodina Vasica. OHR i OSCE također podsjećaju gospodina Vasica i sve druge izabrane i naimenovane dužnosnike da je kršenje prava novinara također kršenje ljudskih prava kao što stoji u Ustavu BiH i članu 10 Evropske konvencije o ljudskim pravima.

Osuda “pojedinih štampanih medija u RS-u”, RTRS-a i indirektan napad na Agenciju BETA od strane gospodina Vasica, jednostavno nisu prihvatljivi. Jasno je da gospodin Vasic nastavlja vjerovati da je njegova uloga da kontroliše i sankcionise medije, kao što gospodin Milosevic pokušava u Srbiji. Ovakvi pokušaji nemaju mjesta u rastućoj demokratiji u BiH.